

Krosa

Olmedok ezustekoa eman zuen

Negurak irabazi zuen emakumezkoetan, eta Estitxu Urrutia hirugarren izan zen

Pablo Olmedo mexikarrak irabazi zuen Uliako krosetako 67. edizioa faborito nagusiei aurrea hartuz. Olmedok urrutitik ekin zion esprintari, baina inor ez zen gauza izan 21 urteko gazte hau harrapatzeko. Emakumezkoetan ez zen ezustekorik izan eta Iulia Negura izan zen azkarrena. Aipatzekoa da Estibaliz Urrutia bizkaitarrak lorturiko hirugarren postua.

Gorka Zabaleta / Donostia

ABEL ANTONEK omen zuen atzo garaipena eskuratzeko posibilitate gehien. Norbaiten beldur izatekotan, Kipkosgei kenyarra omen zen arriskutsuena. Ez bat eta ez besteak. Garaipena Pablo Olmedo mexikar gazteak eskuratu zuen; atzora arte guretzat ezezaguna zen. Esprint luzea eta gogorra izan zen Olmedorena eta inor ez zen hau gainditzeko gai izan. Pancorbo izan zen bigarren, eta Abel Anton, lazko irabazlea, hirugarren. Luke Kipkosgei kenyarrak laugarren postuarekin konformatu behar izan zuen.

Atzoko lasterketa iazkoa baino motelagoa izan zen. Proban zehar euria egin ez zuen arren, aurretik botatakoak lokatz pixka bat ere sortu zuen zenbait tokitan. Apur bat labainkorra zegoen zirkuitua eta horrek marka hobeak egitea eragotzi zuen. Proba hasieran, afrikarrek hartu zuten taldearen burua. Tadeo Nada tanzaniarra, Kipkosgei kenyarra eta Kalamore hego afrikarra erritmo bizia ezartzeko prest azaldu ziren. Bitartean, Abel Anton erdialdean ko-



Pablo Olmedoren (9. dortsala) esprintak ezustean harrapatu zituen faboritoak.

EDURNE KOCH

katu zen, haizeaz babestu nahirik.

Bigarren itzulian hasi bezain laster, elkarri erasoka hasi ziren baina inork ez zuen taldetxoa atzean uzten. Antonio Pinto portugaldarra arduratu zen eraso guztiak kontrolatzeaz, berak berea jo zuen arte. Une horretan, taldetxoa luze-luze eginda jarri zuen, eta Manuel Pancorbok jotako bigarren erasoarekin bederatziko taldea seikote bihurtu zen hirugarren itzulian.

Azken itzulian erritmoa bizitu egin zen. Azken bihurgunera arte guztiak zuten aurrea, baina hortxe Pablo Olmedok bere apustua egitea erabaki zuen. Lehenik Antonio Pinto portugaldarra izan zen erasoia jo zuena, baina azken

bihurgune hori gainditu bezain pronto, Olmedok esprint luzeari ekin zion taldeari 20 bat metro ateraz. Bazirudien ezin izango ziola erritmoari eutsi, oraindik helmugaraino 200 metro inguru falta baitziren, baina nahiz eta Antonio Pancorbo hurbildu, helmugako zinta Olmedo mexikarrak eraman zuen aurretik.

Estitxu Urrutia hirugarren izan zen emakumezkoetan • Emakumezkoetan ez zen ezustekorik izan eta Iulia Negura errumaniarak irabazi zuen, esprintean Marina Bastos atzean utzi ondoren. Dena den, berririk pozgarriena Estitxu Urrutia bizkaitarrak eman zuen, hirugarren postua eskuratu baitzuen atzean es-

tatuko ordezkariak eta Maraqui marokoarra bera utzi ondoren. Iulia Negurak eta Marina Bastos erabateko nagusitasuna erakutsi zuten hasieratik. Marina Bastos izan zen erritmo bizia ezartzen saiatu zena. Biek ez zuten arazorik izan aurrera bakarrik egiteko. Atzean, Estitxuk lehia gogorra izan zuen Maraqui marokoarrarekin, baina atzean utzi eta helmugan 15 segundu atera zizkion.

sailkapenak

Uliako krosa

Gizonezkoak

1. Pablo Olmedo (Mex) 27.39.
2. Manuel Pancorbo (Esp) 4ra.
3. Abel Anton (Esp) 5era.
4. Luke Kipkosgei (Ken) 6ra.
5. Antonio Pinto (Por) 8ra.
6. Jose Rios (Esp) 12ra.
7. Tsunaki Kalamore (Heg) 40ra.
8. Barnabas Kosgei (Ken) 58ra.

Emakumezkoak

1. Iulia Negura (Erru) 16.27.
2. Marina Bastos (Por) 2ra.
3. Estibaliz Urrutia (Eus) 26ra.
4. Rakiya Maraqui (Mar) 41era.
5. Teresa Recio (Esp) 42ra.
6. Beatriz Santiago (Esp) 43ra.
7. Sally Chepkorir (Ken) 48ra.
8. Natalia Azpiazu (Eus) 56ra.

Elgoibarko krosa

Gizonezkoak

1. Jonathan Brown (Gal) 32.09.
2. Tom Nyariki (Ken) 17ra.
3. James Moiben (Ken) 25era.
4. Girma Tola (Eti) 27ra.
5. Martin Fiz (Eus) 53ra.
6. J.M. Garcia (Esp) 54ra.
7. Worku Bikila (Eti) 1.01era.
8. Alejandro Gomez (Esp) 1.02ra.

Emakumezkoak

1. Julia Vaquero (Esp) 17.37
2. Ayelech Worku (Eti) 25era.
3. Gennet Georgis (Eti) 33ra.
4. Zahra Ouaziz (Mar) 34ra.
5. Fatima Cabral (Por) 34ra.
6. Etefaru Tarekne (Eti) 40ra.
7. Rocío Rios (Esp) 57ra.
8. Helena Sampaio (Por) 1.09ra.

Olmedo: «Ez nuen garaipena espero, baina zortea izan dut».

■ Mexikarrak bere burua ezagutarazi du lortutako garaipenarekin

G.Z. / Donostia

PABLO OLMEDO mexikarra inor gutxi ezagutzen zuen hemen, atzo garaipena lortu baino lehen. 21 urteko gazte hau 5.000 metroetan aritzen da ongien (13.30eko marka du distantzia horretan). Budapesteko munduko kros txapelketan laugarren izan zen junior mailan. Berak adierazi zuenez, «hona etorri naiz hemen maila handiko atletismoa dagoelako. Neure burua horrelako probetan ikusi nahi nuen, eta oso pozik nago». Pablok ez zuen irabaztea espero, baina ez du ukatzen gogo handiak zituela. «Ez nuen horrelakorik espero, baina gogo izugarriak nituen. Dena den, zaila izan da eta zortea izan dut». «Nik gehiago espero nuen aurkariengandik. Uste dut polikiagi joan garela eta horrek niri mesede handia egin dit. Nik esprint bizia dut azken metroetan, eta oso indartsu iritsi naiz».

Abel Antonek gehiago egitea espero zuen, baina mexikarrak ezustean harrapatu zuen. «Mexikarrak ezusteko ederra eman digu guztioi. Ni ez nago iaz bezain ondo, martxoako maratona ari baina prestatzen. Gainera, lurra labainkorra zegoen eta nire zapatilekin ez naiz batere gustora aritu. Dena den, pozik nago, pixkanaka sasoia hartzen ari naiz eta». X

Estitxu Urrutia: «Niretzat ez da ezusteko handia izan»

G.Z. / Donostia

ESTITXU URRUTIAK lasterketa bikaina egin zuen atzo, bat baino gehiago harriturik utziz. Dena den, berak bazuen konfiantza bere buruarekin. «Niretzat ez da ezusteko handiegia izan. Estatukoak ezagutzen nituen, baina kanpotarrak ez. Une batean erasoia jotzea erabaki dut, eta ongi atera zait. Banekien Negura eta Bastos beste maila batekoak zirela eta joan egin zaizkit. Gero marokoarrarekin izan dut lehia gogorra, baina oso indartsu amaitu dut proba». Estitxu pistan eta errepidean aritzen da gustoen, baina igandean Zornotzako krosetan izango da. «Zornotzan izango naiz, baina probatzeko asmoarekin, besterik gabe. Pistan eta errepidean korritzen dudanean dena ematen dut, neure burua behartzen dut, baina krosetan ez naiz hain ongi moldatzen». X



Brown eta Vaquero irabazle Elgoibarren

John Brown galestarrek gizonezkoen lasterketan eta Julia Vaquero galiziarrek emakumezkoen ez zuten aurkari zuzenik izan. Gizonezkoen kasuan, Afrikako atletek lehen lau kilometroetan bakarrik eutsi zioten Brownen erritmoari. Martin Fizek lasterketa ona egin zuen eta martxoaren 2an Japonian maratoni bat korrituko duela iragarri zuen. Hortik aurrera bakarrik geratu zen galestarra. Emakumezkoen lasterketa antzera joan zen, Vaquero lasterketaren erditik aurrera tropelaren buruan egon baitzen. Argazkian, ezkerrean Brown ageri da, eta eskuinean bigarren geratu zen Tom Nyariki kenyarra.